

Sarrera:

Euskal Etxeko euskara-irakaskuntzak HABEren curriculumak ezarritako ildoak jarraitzen ditu. Erakunde hori helduen (16 urtetik gorako) euskalduntzeaz arduratzen den Eusko Jaurlaritzako Autonomiadun Erakundea da. 2015eko udan, HABEk, Hizkuntzen Europako Erreferentzi Markora hobeto moldatu ahal izateko, aldaketa batzuk egin ditu curriculumean. Aldaketok, batez ere behe mailetan izan dira, eta, ondorioz, euskaltegi eta euskal etxeok curriculum berrira moldatu behar izan dugu.

Curriculum berriak bi berrikuntza nagusi dakar: alde batetik, ikaslearen autonomia eta erabilera-estrategiak sustatu nahi ditu, eta, bestetik, ikas-prozesua sei mailatan banatu du. Ebaluazioak berdin jarraituko du: ez da baloratuko ikasleak zenbat gramatika-egitura dakien, ikaslearen gaitasun komunikatiboa zenbatekoa den baizik; hau da, zer eta zenbat ulertzen duen entzutean eta irakurtzean, eta zer egiteko gai den idaztean eta hitz egitean. Esaterako, nahiz eta NOR-NORKaren alegiazko ahalera ez jakin, ikasle batek C1 mailako titulua lor dezake aldizkari baterako iritzi-artikulu bat idazteko gai bada, eta hitzaldi bat zuzen eta egoki egin badezake.

Gure funtzionamendua:

HABE (HEOC 2015)				→	EUSKAL ETXEA			
MAILA	AZPI MAILA	ORDUAK			MAILA	IKAST	ORDUAK	
C1	C1.2	400 ira + 350 ika	750 ordu		C1 zikloa	C	130 ira + 120 ika	750 ordu
	C1.1					B	130 ira + 120 ika	
B2	B2.2	350 ira + 250 ika	600 ordu			B2 zikloa	C	
B1	B2.1				B		130 ira + 70 ika	
A2	B1.2	250 ira + 150 ika	400 ordu		B1 zikloa		A	130 ira + 70 ika
A1	B1.1					A2 zikloa	B	130 ira + 20 ika
	A2.2	200 ira + 100 ika	300 ordu	A2 zikloa		A	130 ira + 20 ika	300 ordu
	A2.1				A1	130 ira + 70 ika	200	

Ikasleak, maila bakoitza egiteko, gutxi gorabehera zenbat ordu beharko dituen kalkulatu du HABEk. Ordu horiek irakastordu eta ikastordutan banatu ditu. Irakastordu eskola-orduei deitzen die, eta ikastordu bakar-lan eta erabilera askeari: etxerako lanak, irratia entzun, telebista ikusi, egunkariak irakurri, lagunekin mintzatu, etab.

Ondoko koadroan ikus dezakezue gure, Euskal Etxean, nola egokitu ditugun gure 130 eskola-orduko ikastaroak ikas-prozesura.

Bartzelonan, ikasleek mailetan gora egin ahala, matrikulen kopurua jaitsi egiten da, eta talde homogeenak sortzeko arazoak izaten ditugu. Horregatik, taldea sortu ahal izateko, B2 eta C1 mailetako taldeak ez dira homogeenak izango; bestela esanda, talde berean azpi-maila ezberdinetako ikasleak elkartuko ditugu. Curriculumak aukera ematen du horretarako: ikaslearen gaitasuna baloratzen/

ezagutzen dituzten ikasleak elkar daitezke.

Laburbilduz, A1 mailan izan ezik, gainontzeko guztietan zikloka funtzionatuko dugu: maila heterogeneo horretan matrikulatuta dagoen ikasleak maila hori bitan edo hirutan egin beharko du. Hori dela eta, ikasleek materiala errepika ez dezaten, A2 eta B1 mailetan bi urteko zikloak egingo ditugu, eta B2 eta C1 mailetan hiru urtekoak (hiru urteko ziklo baten adibidea: 2016-2017 ikasturtean A materiala, 2017-2018 ikasturtean B materiala, 2018-2019 ikasturtean C materiala, 2019-2020 ikasturtean A materiala berriro...).

Tituluen baliokidetzak:

Hizkuntzen Europako Erreferentzi Markoa	Eusko Jaurlaritza					Hizkuntza Eskola Ofiziala*
	Hizkuntz Eskakizunak		Orain ez dago (Nafarroan bai)	HABE	Boga	
	Arruntak	Hezkuntza Ertzaintza				
C2	4. HE	3. HE		C2		
C1	3. HE	2. HE	EGA	C1	4-c	
B2	2. HE	1. HE		B2	3-c	5.a (Aurreratua)
B1	1. HE			B1	2-c	3.a (Tartekoa)
A2				A2	1-c	2.a (Oinarrizkoa)
A1				A1	1-b erdian	

* HEOeko tituluen baliokidetzak 2007-2008 ikasturteko ikasketa planaren osteko tituluei dagozkie.

Azterketa ofizialak:

2007-08 ikasturtetik, Euskal Etxean HABEren azterketa ofizialak **egiteko aukera dago** euskara-gaitasun tituluak ateratzeko. 2008ko apiriletik aurrera, titulu horiek Eusko Jaurlaritzaren gainontzeko titulu eta Hizkuntza-Eskakizunen baliokidetak dira. Euskal Etxean matrikulatuta egoteak, ordea, **ez du esan nahi** ikaslea zuzenean azterketa ofizialera aurkez daitekeenik; HABEK Euskal Etxeei ikasle hori azterketa gainditzeko gai dela ziurtatzeko exijitzen die.

HABEK ez-ohiko deialdia egiten du euskal etxeentzat, eta bertara aurkezten diren ikasleek azterketa ofizial **bakarra** egin dezakete ikasturtean. Azterketa udaberrian egiten da Euskal Etxean, eta, gainera, tasa bat ordaindu behar izaten zaio HABEri. Ikasleak titulua lortzeko premia handia badu, EAeko udazkeneko deialdi irekiko azterketara aurkez daiteke.

Ordutegi eta taldeak:

Gure ikastaro arruntak urritik ekainerakoak izaten dira, astean lau ordutakoak (128 edo 130 eskola ordu gutxi gorabehera). Urtarrilean ikasle berriak onartuko ditugu, baina lekua daukaten ikastaldeak betetzeko besterik ez. Hortaz, matrikulatu nahi duten ikasleek mailaketa proba bat egin beharko dute ea zein taldean sar daitezkeen ikusteko. Proba egiteko, barcelona@euskaletxea.cat helbide elektronikoan hitzordua eskatu beharra dago (urritik datozen ikasleek jada 50 ordu inguru eginda edukiko dituztenez, **ez dugu zerotik hasten diren ikaslerik onartuko**). Edozein talde ikasle berriekin gehieneko ikasle kopurura iristen bada, talde horretan matrikulazioa itxi egingo dugu. Talde hauetan onartzen ditugu ikasle berriak:

Taldea	Egunak	Ordutegia	Lehen eguna
maila	astelehen-asteazken	17:00-19:00	Otsailak 1
maila	astelehen-asteazken	19:00-21:00	Otsailak 1
maila	astelehen-asteazken	19:30-21:30	Otsailak 1
maila	astearte-ostegun	17:30-19:30	Otsailak 2
maila	astearte-ostegun	17:30-19:30	Otsailak 2
maila	astearte-ostegun	19:30-21:30	Otsailak 2
On line (Boga)	Ez dago lekurik		

Covidak eragindako leku murrizketengatik, zerrenda horretako talde guztietan leku edo plaza bakarra dago. Gainontzeko aurrez aurreko taldeetan ez dago lekurik, ezta on line ikastaroetan ere (Bogako tutoreak hartu ahal duten gehieneko ikasle kopurura heldu dira dagoeneko).

Matrikulatzeko epea eta prezioak:

Matrikulazioa: urtarrilaren 13tik 27ra.

Prezioak: Euskal Etxeko bazkideak 195€

Ez bazkideak 280€

Oharra: Matrikulatzean ikaslea bazkide egiten bada, eta ikastaroa amaitu aurretik bazkidetzatik baxa ematen badu, matrikularen aldea ordaindu egin beharko du.

Nola matrikulatu:

Euskal Etxean bertan (mailaketa probaren eguna aprobetxa dezakezue):

1. Idazkaritza-ordutegia: 10:00-13:00 eta 15:00-17:30 astelehenetik ostiralera. Telefonoa: 93 310 22 00
2. Informazio orri osoa ondo irakurri.
3. Matrikula orria bete (daturen bat falta bada, matrikula-aldiko azken eguna baino lehen eman behar da)
4. Matrikula ordaindu eskudirutan edo txartel bidez. Edozein La Caixa bulegotara joanda ere ordain dezakezue, edo transferentziaz: horretarako, segi itzazue "**Internetez**" aukerako 4. puntuko pausuak.

Internetez:

1. barcelona@euskaletxea.cat e-postara mezu bat idatzi matrikulatu nahi duzula esanez. Informazio orria eta matrikula orria jasoko dituzu e-mail baten bidez.
2. Informazio orri osoa ondo irakurri.
3. Matrikula orria zure ordenagailura jaitsi eta bete (daturen bat falta bada, matrikulazio epearen azken eguna baino lehen eman beharra dago).
4. Matrikula **La Caixa**-ko Euskal Etxearen kontu honetan ordaindu: ES56 2100 1089 70 0200039109. Kontzeptuan "euskara + izen-abizenak" jarri, norik ordaindu duen jakin dezagun. Agian diru-sarreraren egiaztagiaren kopia eskatu beharko dizugu; beraz, gorde ezazu ondo.
5. Matrikula orri bete e-postaz bidaliezaguzu, eta e-posta berean ordainketaren data esaguzu; horrela, gure administrariak ea akatsik egon den konprobatuko du.

